



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Q. 226. Quid dicendum sit de facultatibus, quas Sedes Apostolica concedit
Episcopis cum potestate communicandi.

urn:nbn:de:hbz:466:1-42433

1596. §. 22. Si Episcopi urgeant, Regulares non possunt in suis sine benedictione, in alienis autem templis sine licentia Episcoporum prædicare, *Trid. sess. 5. c. 2. Clemens X. supra n. 1504.* Quòd si Episcopi contradicant, Nostri nec in nostris nec in alienis templis possunt prædicare, *Comp. v. Prædicatores.* Per Bullam *Gregorii XIII. Vigore &c.* quæ refertur in *Instituto* pag. 82. possunt Nostri tantùm tonsurati publicè prædicare.

1597. §. 23. De facultate Sacerdotum Societatis ad applicandas Indulgentias altaris privilegiati, dixi hic antè n. 526. Ad publicandas & lucrandas plures alias Indulgentias etiam in Missionibus, à n. 1357. 1361. ad transferendas Indulgentias cum festo S. Xaverii, n. 1357. 1376. Ad legendum Officium & Missam De S. Ignatio semel de septimana, dixi l. 4. n. 1248. Ad legendum Officium & Missam in festis nostrorum Beatorum, ibidem n. 1249. & hic n. 375. Ad legendam Missam in privatis Oratoriis & altari portatili, hic à n. 273. Ad legendam Missam ante auroram vel post meridiem, n. 225. 229. Ad benedicenda paramenta Missæ & campanas, n. 353. 406. Possuntque Superiores nostri reconciliare nostras ecclesias, cemeteria & Oratoria polluta, *Comp. v. Ecclesia §. 2.* Et possumus in templis nostris omni die, quo aliàs licitum est, ministrare Eucharistiam, excepto die Paschæ, *Comp. v. Eucharistia §. 1.* pro quo etiam aliam declarationem retuli l. 6. p. 1. n. 637. De facultate eodem die binandi Missam nihil habet *Compendium*, sed videri possunt dicta n. 238.

1598. Q. 226. Quid dicendum sit de facultatibus, quas *Sedes Apostolica* concedit Episcopis cum potestate communi.

municandi aliis. R. Episcopi in Germania acci-
 piunt multas facultates, quas alioqui non ha-
 bent, v. g. absolvendi ab hæresi, dispensandi in
 variis rebus. In fine, datur facultas *communican-*
di aliis Sacerdotibus illas facultates, in totum vel in
parte, sed subditur, Et prædictæ facultates tantum
concessæ intelligantur ad quinquennium. Quaritur,
 an Episcopi vi talis facultatis communicandi,
 possint alteri Sacerdoti ad plures quàm quin-
 que annos, aut etiam in perpetuum communi-
 care tales suas facultates. Possè, suadetur 1. quia
 verba illa, *prædictæ facultates tantum concessæ in-*
telligantur ad quinquennium, videntur respicere
 tantum facultates à Papa concessas Episcopis,
 non autem ab Episcopis communicandas aliis,
 nam nihil dicunt de communicandis, ergo re-
 strictio ad quinquennium videtur cadere tan-
 tum super concessionem Papæ, & non super
 communicationem ab Episcopis faciendam
Conf. nam facultas communicandi, cum sit pri-
 vilegium & beneficium Principis, est amplè in-
 terpretanda, nec plùs restringenda, quàm ver-
 ba sonent, ergo cum detur facultas communi-
 candi absolute sine verbo ullo restringente ad
 quinquennium, dicendum est esse facultatem
 communicandi ad quodcumque tempus, pro-
 ut Episcopis videbitur expedire. 2. Quando
 Episcopus dicit, *Tuius sit ad quinquennium Vica-*
rius meus cum potestate approbandi Confessarios, Ti-
tius vi hujus potestatis potest approbare in per-
petuum, ita ut quamvis potestas approbandi
 non sit perpetua, tamen approbatio sit perpe-
 tua: ergo cum Papa dicat, *Episcopus habeat ad*
quinquennium facultatem absolvendi ab hæresi cum
potestate hanc facultatem communicandi, poteris
 com-

66.
 2.846

communicare in perpetuum ; ita ut , quamvis potestas communicandi non sit perpetua , tamen facultas communicata sit perpetua. 3. Si Episcopi ipsimet tantum acciperent facultatem v. g. absolvendi ab hæresi , & non potestatem dandi aliis facultatem absolvendi ab hæresi , ergo tale privilegium erit inutile in Germania , in qua Episcopi per se non absolvunt. E contra Episcopum non posse ulli communicare ejusmodi facultatem , nisi ad quinquennium , quo ipse eam habet , suadetur 1. quia Episcopo datur tantum potestas communicandi suam facultatem , neque enim ullo verbo plus insinuat in Rescriptis , sed Episcopus habet suam tantum ad quinquennium , ergo. *Conf.* nam communicare est facere aliquid sibi & alteri commune , ut nempe etiam alter hoc habeat , quod ipse habet , ergo si Episcopus extra quinquennium non habeat , nec alter per ipsum habebit. 2. Si Episcopus posset istas facultates communicare in perpetuum , cum inter illas sit , Dispensare in tertio gradu pro Matrimonii contrahendis cum pauperibus , ordinare extra tempora &c. posset has aliasque , etiam ultimam die quinquennii , quo eas habet , communicare in perpetuum multis Sacerdotibus per totam diocesin suam dispersis , ita ut hi in perpetuum habituri essent facultates , quas nequidem Episcopus habebit , est autem inauditum , quod ullus Episcopus unquam ita communicarit ; & est incredibile , quod ita communicare possit , alioqui ferme frustra , teneretur singulis quinquenniis petere confirmationem talium facultatum aliis communicandarum , quia satis multos haberet in sua diocesi , qui dispensarent , ergo.

Ad 1.

Ad 1. in oppositum patet ex dictis, quia Td communicare significat hoc, nec patitur plus, quàm quod dixi in prima ratione hujus ultimæ sententiæ. *Ad 2.* patet disparitas nam aliunde constat vicariis, etiamsi ipsimet approbati non essent, & ad unicum diem futuri essent in officio Vicariû, concedi ab Episcopis potestatem simpliciter approbandi & dandi facultatem absolvendi in perpetuum, & non tantùm communicandi facultatem absolvendi, quam fortè talis Vicarius haberet. *Ad 3.* n. seq. quia si ipsis Episcopis non daretur, non possent communicare, nemo enim communicat, quod ipsemet non habet. Quod *Conf.*, nam etiam Episcopis datur facultas binandi Missam, quamvis ipsimet binare non soleant: quòd autem Episcopis ipsis detur facultas illa cum sola potestate communicandi, & non detur potestas concedendi facultatem binandi, patet ex verbis, quæ subjunguntur: *Quòd si hanc eandem facultatem alteri Sacerdori juxta potestatem inferius apponendam communicare visum fuerit, serio ipsius conscientia injungitur &c.* Quòd autem est de hac facultate, idem est de aliis, cum Indultum non distinguat. Hinc, *Inferes 1.* Si Episcopus facultates suas habuerit per triennium, posse alicui communicare tantùm per biennium: si habuerit ad quinquennium minùs uno die, posse tantùm communicare ad unum diem. *2.* Si Episcopus in futurum provideat, ut omni quinquennio Romæ renoventur facultates suæ, poterit eas alicui communicare pro tempore vitæ suæ, per potestatem communicandi partim præsentem partim futuram; ad eum modum, quo secundùm dicta l. 3. p. 2. num. 605 possum nunc pro
tunc

tunc donare Titio aliquid, sub conditione, si sequente anno crescat, ita ut purificatâ conditione absque novo consensu meo donatio illa transeat in absolutam. Hæc disputata sint in utramque partem, nam totum pendet à mente & voluntate Sanctissimi tales facultates concedentis: cum autem in multis agatur de valore Sacramentorum, meritò debent Ordinarii à S. Sede petere declarationem, ne Sacramenta exponantur periculo nullitatis.

1599.

DUBIUM IV.

Quid sit reservatio casuum, & quis habeat potestatem reservandi & absolvendi ab iis.

» **R** Esp. I. Reservatio hæc est negatio jurisdictionis circa aliquod peccatum. Ac certum est in Ecclesia potestatem esse, quædam peccata reservandi, à quibus inferiores Confessarii non possint absolvere, ut sic subditè meliùs dirigantur & absterreantur à peccatis, quorum difficilem remissionem vident: quamquam, nisi graves causæ sint, non debeat quis vis. neque qui potest, quidvis facillè reservare, neque difficulter veniam dare absolvendi à reservatis, ne alioqui cedat in destructionem, quod debebat in ædificationem. Porro et si quis ordinarius potestatem habet reservandi, in Parochis tamen consuetudo eam abrogavit. *vid Suar. d. 30. f. 5. Lug. d. 15. f. 6. §. 3. Unde resolves.*

» I. Cum non sit obligatio confitendi venialia, ea frustra reservantur (et si fortassè possint saltem à Papa,) ideoque sola mortalia, eaque non